

Dilectis filiis .. preposito Curiensi¹ et.. eiusdem² ac sanctorum Felicis et Regule Turicensis³ Constanciensis diocesis cantoribus ecclesiarum salutem etc. Prudentum virginum votis, que spreto mortalis viri thoro, ei qui speciosus est prae filiis hominum desponsari desiderant, debemus et volumus favorabiles inveniri. Cum itaque dilecta in Christo filia Agnes dicta Veislin de Vadutz⁴ puella litterata Curiensis diocesis, que ut asseritur in quartodecimo etatis sue anno vel circiter constituta existit⁵, cupiat sicut accepimus in monasterio Lindaugensi⁵ ordinis sancti Augustini⁶ Constanciensis diocesis, in quo certus monialium numerus esse dinoscitur institutus, una cum dilectis in Christo filiabus .. abbatisse⁷ et conventu dicti monasterii sub regulari habitu virtutum domino famulari, nos volentes eandem Agnetem in huiusmodi suo laudabili proposito confovere, discretioni vestre per apostolica scripta mandamus, quatinus vos vel duo aut unus vestrum per vos vel alium seu alios eandem Agnetem, si sit ydonea et aliud canonicum non obsistat, faciatis auctoritate nostra in dicto monasterio, si aliqua de dicto numero deest ad presens vel quamprimum defuerit, in monialem recipi et sororem sibi-que regularem habitum iuxta ipsius monasterii consuetudinem exhiberi ac ei de communibus eiusdem monasterii proventibus sicut uni ex aliis dicti monasterii monialibus integre provideri ipsamque ibidem sincera in domino caritate tractari, contradictores per censuram ecclesiasticam appellatione postposita compescendo, non obstantibus quibuscumque statutis et consuetudinibus monasterii et ordinis predictorum contrariis iuramento confirmatione apostolica vel quacumque firmitate alia roboratis, aut si pro aliis scripta forsitan apostolica ibidem sint directa, seu si eisdem abbatisse et conventui vel quibusvis aliis communiter vel divisim a sede apostolica sit indultum, quod ad receptionem vel provisionem alicuius minime teneantur et ad id compelli aut quod interdicti suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem et qualibet alia dicte sedis indulgentia generali vel speciali, cuiuscumque tenoris existat, per quam presentibus non expressam vel totaliter non insertam effectus earum impediri valeat quomodolibet vel differri et de qua cuiusque toto tenore habenda sit in nostris litteris mentio specialis. Dat. apud Villamnouam⁶ Auinionensis⁷ diocesis, XIII. kl. iulii, anno primo.

109. ¹Friedrich v. Tengen, 1371–1374 Dompropst. – ²Johann v. Mehlishofen, 1346–1377 Domcantor. – ³Johann Teinang, † 1392 als Cantor des Grossmünsters Zürich. – ⁴Vaduz. – ⁵Kanonissenstift Lindau, bayer. Schwaben. – ⁶Villeneuve, dép. Gard. – ⁷Bisium Avignon.